



Universitätsbibliothek Paderborn

Theologiae Mysticae Sive Exercitiorum Spiritualium Admodum Reverendi Patris P. Aloysii Siderei, Alias Vincentii Caraffa, Societatis Iesv Praepositi Generali, Tomvs ...

ex Italico Latino recenter idiomate opera et studio fidelissimi cuiusdam
interpretis donatus

Peregrinus terræ. Fascicvlvs Myrrhæ Siue Considerationes Variæ Super
Plagas Et Vulnera Christi D.N. Itinerarium. Seraphinus. Civis coeli

Caraffa, Vincenzo

Coloniae Agrippinae, 1660

Paradisus, Contritio cum iubilo. Gradus 5.

[urn:nbn:de:hbz:466:1-49469](https://nbn-resolving.org/urn:nbn:de:hbz:466:1-49469)

Sola illa, quæ in Deo reperitur, vera est. Tres beati-
 tudinum species considerari possunt. Prima *apparens Bellica.*
 & non *existens*, & talis est beatitudo Muadi, quæ ap-
 parens duraxat, non permanens est. Secunda non *Psal. 143.*
apparens & existens, & hæc est beatitudo Justorum,
 qui in præfenti vita sunt veri filij Dei; ac non comparet
 eorum dignitas & magnificentia, quia solum compare-
 bit in Gloria. Tertia *apparens & existens*, & hæc est
 æterna Beatitudo Sanctorum in cœlis, quæ est apparens
 & stabilis per totam æternitatem.



PARADISUS,

Contritio cum iubilo.

LXXVI.

*Contritio cum iubilo ex peccatis præteritis
 causata.*

T Ametsi Beati in cœlo de præteritis peccatis, quæ
 commiserunt in terra, veniam habeant contritio-
 nem & pœnitentiam: nihilominus nullum ex his per-
 sentunt, aut percipiunt dolorem vel tristitiam.
 Quia talis est status illius felicissimi beata conditio,
 ut planè sit incapax omnis tristitiæ seu fastidij. *Pe- Tho. 3. p. 9.*
 nitent eos peccatorum, quia vellent & optarent se non *48. a. 3.*
 peccasse: ac cum contritione gaudent & lætaantur,
 quia p r pœnitentiam remissa est omnis culpa,
 fruunturque suavissimis Gratia & Gloriæ
 fructibus.

LXXVII.

LXXVII.

Contritio cum iubilo ex presenti innocentia orta.

Beatus non privatam duntaxat & liberum se confitetur ab omni peccato; verum etiam ab omni illius legi & vestigio. Ars medica, ait D. Chrysostomus, potest curare vulnus; at facere nequit, quin remaneat cicatrix. Medicina licet innumeris admittatur modis, cicatricem e medio auferre non potest. At virtus & Gratia longè major est & potentior: siquidem ob quam culpæ expungit, & præterea remouet cicatricem. Nullam reliquam facit cicatricem, nullam vestigium sinit remanere.

LXXVIII.

Contritio cum iubilo propter actam penitentiam.

Funes quoque peccatorum in Prædestinatis & Beatis convertuntur in torques, monilia & coronas. *Psal. 15. Funes ceciderunt mihi in præclaris: omnia cooperantur in bonum, etiam peccata.* Hæc est, ut notat D. Augustinus, Electorum felicitas; quod omnia peccata convertantur in bonum, quia ex casu meliores, cautiores, & feruentiores resurgunt. Verum huius namque abusus conferet eis maiorem damnationis causam.

LXXIX.

Contritio cum iubilo ob remissionem peccatorum.

Beatus respicit peccata non commissa duntaxat: sed & remissa: primo, ut per Gratiam sublata; secundo,

ut delecta Christi sanguine : tertio, ut trophæa triumphali Crucis Christi subvecta curru. Et hæc causa lætitiæ, qua perfunditur Beatus : quia, occasione peccatorum suorum, videt glorificatam potentiam Sanguinis Christi, magnificatam charitatem DEI, ejusdemque exaltatam misericordiam. Unde cum infinito & sempiterno jubilo laudat semper, & infinitam Dei decantat misericordiam : *Confitemini Domino, quoniam* *Psal. 135.*
in æternum misericordia ejus. Sit benedicta semper, & laudata infinita Dei misericordia, quæ me à tot tantisque eripuit peccatis, ac triumphare fecit de Dæmone, morte & Inferno.

LXXX.

Contritio cum iubilo sine planctu amaritudine.

In hoc Mundo fuit contritio cum planctu : Beati qui lugent peccata sua in vita, quoniam ipsi consolantur post mortem in urbe viventium. At in vita futura erit contritio cum jubilo : & juxta mensuram doloris erit mensura gaudij. Contritio habet duas partes, seu duos filios : dolorem & gaudium. Primo-genitus doloris suscipiendus est, priusquam suscipiatur secundogenitus gaudij : & quicumque recusaverit primum, non erit dignus secundo. *Per ignem & aquam transeamus, necesse est, puta, per ignem amoris, & per aquam lachrymarum & doloris ; ut inveniamus refrigerium, ac æterno simus digni jubilo.*



K

PARA